



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Evsdem Sancti Cyrilli Epistola Ad Acacivm Episcopvm Melitenae.

urn:nbn:de:hbz:466:1-15324

80 VIGILIUS C. CONSTANTINOP. II. IUSTINIANVS
PAPA. IMP.

SANCTI CYRILLI AD CLERICOS
ET LAMPONEM PRESBYTERVM.
ANNO CHRISTI 555.

CVM apud Aeliam commorarer , vir aliquis ex his qui
Onobiliter militant in palatio , epistolam multorum
versuum & grandem obtulit mihi signatam, quam se dice-
bat accepisse ab Antiochenis orthodoxis. Subscriptiones
autem erant in ea plurimorum clericorum , & monacho-
rum , & laicorum. Accusabant autem orientales episco-
pos, quasi tacentes quidem Nestorii nomen , & dissimu-
lantes eum auersari , transilientes autem ad Theodori co-
dices de incarnatione factos, in quibus multo peiores Ne-
storii blasphemias positae sunt. Pater enim fuit Nestorii
perfidiæ , & illius mala locutus , impius in his factus est in
quibus modo est. Et scripsi quidem reuerendissimo epi-
scopo Antiocheno, vt Theodori impia dogmata in eccle-
sia nemo loquatur : accedens autem ad Alexandriam
reuerendissimus diaconus & archimandrita Maximus,
plurima inclamauit in orientales , dicens orthodoxos nul-
lum ibi locum habere , nec fiduciam loquendi de recta fide.
Dixit vero , quod configunt quidem confiteri sym-
bolum expositum Nicæa a sanctis patribus , male autem
illud interpretantur : & adhortatus est me omnem expo-
sitionem Nicænæ Synodi interpretari plane, vt non subri-
piant quidam alia pro aliis exponentes , quod & feci. Ha-
bet igitur tomos , vt offerantur & piissimis reginis , &
Christianissimo & piissimo domino. Feci enim in mem-
branis scribi tomum. Cum consilio igitur eius sicut bene
habere perspicatis, opportune offerte. Oportet enim nos
vndique pro recta fide certare, & exortam aduersus Chri-
stum impietatem , quantum possibile est, e medio expel-
lere festinare.

EIVSDEM SANCTI CYRILLI EPISTOLA
AD ACACIVM EPISCOPVM MELITENÆ.

*Scripsit vero eamdem ad Theodotum Ancyrae, & ad Firmum
Cæsareæ Cappadociae.*

NON oportebat latere sanctitatem tuam, aut forsitan
& cognouit , quod omnes orientales religiosissimi
epi-

ANNO CHRISTI 535 episcopi in Antiochia conuenerunt, cum transmisisset eis tomum dominus meus sanctissimus episcopus Proclus, bonorum plenum intellectum, & rectorum dogmatum. Erat enim ratio multa & longa de dispensatione Domini nostri Iesu Christi: supposuit vero etiam capitula quædam collecta a Theodori codicibus, quæ consonantem Nestorii perfidiis intellectum habent, & adhortatus est etiam illa anathematizare. Illi vero non passi sunt, & scripserunt ad me, quod si contigerit anathematizari ea quæ sunt Theodori, perueniet omnimodo macula etiam ad sanctos nostros patres, Athanasium dico, & Basilium, & Gregorios, & Theophilum, & ceteros. Nam scripserunt & ipsi quædam consonantia eis quæ sunt Theodori. Et erat necessarium etiam me ad eos rescribere, quæ & nota faciet tuæ sanctitati religiosissimus episcopus Daniel, qui Alexandria inuentus est, & in singula eorum quæ mota sunt, subtiliter cognoscit.

EPISTOLA CYRILLI AD RABBVLAM
EPISCOPVM EDESSÆ.

Ad incomparabilem quamdam alacritatem & ad inex-
pugnabilem confidentiam nostras excitat animas sa-
cientissimus Paulus sic scribens: *Quis nos separabit a caritate Rom. 8.*
Christi? Tribulatio? an angustia? an persecutio? an famæ? an nuditas? an periculum? an gladius? Nihil enim intolerabile est eis
qui firmiter apud se statuunt certamen fidei certare, cur-
sum perficere, fidem seruare, vt & incorruptionis me-
reantur coronam. Sicut vero sollicitos optime gubernare, non in serenitate nauigare, sed in tempestate posse
nauem seruare, probatissimos declarat: sic etiam fortitos
ecclesiis præsidere, non omnimodo rerum serenitas claros
demonstrat; magis vero solertia in tribulationibus, &
fortitudo, & patientia, & fortiter resistere instabilibus
hæreticorum sermonibus. Semper quidem tua splen-
dit sanctitas, præcipue autem modo, facta omnibus
orientalibus columna & fundamentum veritatis, & sic
ut quemdam pestiferum expellens morbum, nouæ &
abominandæ hæreseos Nestorii blasphemiam. Nam
procedit quidem ex altera radice (illius dico qui de Ci-
licia erat) ista impietas: arbitratus vero est, quod tenebit
Concil. Tom. 12.

L

Theodorus
Mopsuesto-
rus.